



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

194. De diligentia corporis Domini.

urn:nbn:de:hbz:466:1-14622

De Presbyteris qui, celebrata Missa, non communicant. *Ex Canonibus Apostolorum.*

CXCII. Si quis Episcopus aut Presbyter aut Diaconus vel quilibet ex sacerdotali catalogo facta oblatione non communicaverit, aut causam dicat; & si rationabilis fuerit, veniam consequatur; aut si non dixerit, communione privetur, tanquam qui populo causa lésionis extiterit.

Canon. Apostolor. c. 9.
Burchard. lib. 3. c. 79.

Quòd fideles laïci communicare debeant.
Vnde suprâ.

CXCIII. Omnes fideles Christiani qui ingrediuntur Ecclesiam die dominico, & scripturas Apostolorum & evangelium audiunt, non autem perseverant in oratione usque dum Missa peragatur, nec sanctam communionem percipiunt, velut inquietudines Ecclesiæ commoventes convenit communione privari.

Can. Apostolor. c. 10.
Burchard. lib. 2. c. 67.

Vnde suprâ.

Omnes qui ingrediuntur Ecclesiam Dei & scripturas sanctas audiunt, neque communicant in oratione cum populo, sed pro quadam intemperantia se à perceptione sanctæ communionis avertunt, hi de Ecclesia removeantur quandiu per confessionem pœnitentiæ fructus ostendant.

Burchard. lib. 2. c. 68.

De diligentia corporis Domini. *Ex definitione ecclesiasticorum dogmatum.*

CXCIV. Cotidie eucharistiæ commu - Burchard. lib.

G

5. c. 15. &
Dist. 2. de
consecr. c. 13.

nionem percipere nec laudo nec vitupero, omnibus tamen dominicis diebus communicandum hortor. Si tamen mens in affectu peccandi est, gravari magis dico eucharistiæ perceptione quam purificari. Et ideo quamvis quis peccato mordeatur, peccandi de cetero voluntatem non habeat, & communicaturus satisfaciat lacrymis & orationibus, & confidens de Dei misericordia, accedat ad eucharistiam intrepidus & securus. Sed hoc de illo dico quem mortalia peccata non gravant. [*Vide Hincmarum in fine epistolæ XL.*]

Item sanctus Augustinus ad Januarium.

August. epist.
118.
Burchard. lib.
5. c. 16.

Dixerit quispiam non cotidie accipiendam eucharistiam, alius affirmet cotidie. Faciat unusquisque quod secundum fidem suam pie credit esse faciendum. Neque enim litigaverunt inter se, aut quisquam eorum se alteri præposuit, Zachæus & ille centurio, cum alter eorum gaudens in domo sua suscepit Dominum, alter dixerit: *Domine, non sum dignus ut intres sub tectum meum.* ambo salvatorem honorificantes, quamvis non uno modo. ambo peccatis miseri, ambo misericordiam consecuti. Ad hoc valet quod manna secundum propriam voluntatem in ore cuiusque sapiebat.

Luc. 19.
Matth. 8.

*De eadem re. Ex epistola Clementis
Pape.*

Cl. mens
epist. 2.
Remedius Cu-
riensis c. 1.

CXCV. Certè tanta in altari holocausta offerantur quanta populo sufficere debeant. Quòd si remanserint, in crastinum non refer-